

# Azpeiti-co distrito edo barrutiyan botuac dituzten

## Nere Anai Maitagarriyai.

«Orra nun dan Urnieta»-ren doñuban.

—1—

Azpeiti-co barrutiya  
¡Oh lecu zoragarriya!  
Euscaldun garbi garbiya.  
Sartu citzaigun oraiñ bi urte  
Trampan *Nosedar-queriya*  
Setá chit lotsa-garriya  
Fuero-en etsai aundiya  
Gure deshonra-garriya.

—2—

Artzai moduban lau otso  
Bici diranac eroso  
Saldu nai gaituzte oso.  
Turroya lasai jatiagatic  
Beste zortzi bat trampaso  
¡Carlistac cirala atzo...!  
Ez ezagutu guraso  
Baicic bototan eraso.

—3—

Oriyen asmo larriyac  
Nun die diran etorriyac  
Daquizqui masoneriyac.  
Negar eguiñaz oroitu-gaiten  
Cer diyon Fuero garbiyac  
Legue-zar maitagarriyac  
Cantatzen ditu eguiyac:  
*Ill-tzeco zabel zuriyac.* (1)

—4—

Gaur guizon zabel zuriya  
Eta *traidore* aundiya  
Omenda, *guztiz-arguiya*.  
Perla oyequin abiyatu zan  
Emen *Nosedar-queriya*  
Saldutzen Euscal-erriya  
Eta histori garbiya  
Munduban arrigarriya.

—5—

Lengo mascara quenduta  
Santutzat RAMON artuta  
Dabiltza lotsac galduta.  
Tesmoniyu guztiz paltsuac  
Don Carlos-entzat sortutá  
Mandamentubac aztutá  
Juramentubac saldutá  
Trimpiti trampan sartutá.

—6—

Darabizquiten pausoac  
Diradela chit gaiztoac  
Daqui !Provinci-gañoac!  
Milla berreun ezqueroz tandic  
Erregue eguiyazcoac  
Eta Fuero-zar cintzoac  
Dirá anaya osoac  
Elcarren lagun gozoac. (2)

—7—

Carlos-en juramentua  
Daucagu bedecincatua  
Biyotz barrenen sartua.  
Jayo guiñaden defenditzeco  
Jaungoico erruquitsua  
Fuero-zar cintzo cintzua  
Sort-erri gaño gaña  
Eta Erregue gozua.

—8—

*Trampan-lur*, (3) *Por-diru-zabal* (4)  
*Patrio* (5) eta NOSE-DAR (6)  
*Pelipo-Frañcu* (7) ¡numbait an!  
Legue santubac agonian-ta  
Oyec turroya auqueran  
Sarturic bostac gambelan  
Ari dirade jan ta jan  
Naiz gu soldadu eraman.

—9—

Maroto jayo ez bazan  
*Nose-dar-tarric* gaur etzan  
Orduban plaga-au sortuzan.  
Oraiñ bi urte paltsokeriyan  
Tirso-ren contra cebiltzan  
Ta... aurten orduco guisan  
¡¡Beguirá nola dabiltzan  
Gure botuen arrantzan.!!

—10—

Ez gaiten izan ichubac.  
Euscal-dun leyal prestubac  
Eman Tirso-ri botuac.  
*Erramun-chon-tzat* bazuaztenac  
Cerate ardi galdubac  
Edo.... zauzcate saldubac  
Setá madaricatubac:  
¡¡AY GURE LEGUE SANTUBAC!!!

- (1) Fuero-co liburuan 2-garren Capituloan 29-garren Tituloan.  
(2) Letu-bitez Guipuzcoa-co Fueroac.  
(3) Azcoiti-coa  
(4) Errez-ill-coa.  
(5) Tolosa-coa.  
(6) Eguiña-ren falsotzallea jaquína-ren gañean.  
(7) Amezueta-coa.

R. Arranz-illun.

TOLOSA:—Imp. de E. López.